



БҰЙРЫҚ

ПРИКАЗ

5. 01. 2011 № 10

Астана қаласы

город Астана

**«Денсаулық сақтау ұйымдарының
үлгі штаттары мен штат нормативтерін
бекіту туралы» Қазақстан Республикасы
Денсаулық сақтау министрінің
2010 жылғы 7 сәуірдегі № 238 бұйрығына
өзгерістер мен толықтырулар енгізу туралы**

Қазақстан Республикасының Әділет Министрлігі Нормативтік құқықтық актілерді тіркеу департаменті
Нормативтік құқықтық акті 2011 жылғы «19» ақпан Нормативтік құқықтық актілерді мемлекеттік тіркеудің нәтижесінде № 6775 болып енгізілді

«Халық денсаулығы және денсаулық сақтау жүйесі туралы» Қазақстан Республикасының 2009 жылғы 18 қыркүйектегі Кодексінің 32-бабының 3 тармағының 3 тармақшасына сәйкес **БҰЙЫРАМЫН:**

1. «Денсаулық сақтау ұйымдарының үлгі штаттары мен штат нормативтерін бекіту туралы» Қазақстан Республикасы Денсаулық сақтау министрінің 2010 жылғы 7 сәуірдегі № 238 бұйрығына (Нормативтік құқықтық актілерді мемлекеттік тіркеу тізілімінде № 6173 тіркелген, Қазақстан Республикасының орталық атқарушы және өзге мемлекеттік органдарының нормативтік құқықтық актілерінің бюллетенінде жарияланған, 2010 ж. № 6, 376-құжат) мынадай өзгерістер мен толықтырулар енгізілсін:

Көрсетілген бұйрықпен бекітілген Денсаулық сақтау ұйымдарының үлгі штаттары мен штат нормативтерінде:

1-тарауда:

1-параграф мынадай редакцияда жазылсын:

«§ 1. Клиникалық бөлімшелер

1. Стационар бөлімшелерінің (палаталарының) қызметкерлер құрамының лауазымдары бейіндік төсектердің айналымына сәйкес жұмыстың көлеміне байланысты және мамандардың жүктеме нормативін анықтау әдестемесі негізгі бейін мамандығы дәрігерінің бір лауазымы үшін, палаталық мейірбикелердің бір постысы үшін және палаталық санитарлардың бір постысы үшін осы Денсаулық сақтау ұйымдарының штат нормативтері мен үлгі штаттарына 1-қосымшаға сәйкес белгіленеді.

2. Негізгі бейін мамандығы дәрігерінің, палаталық мейірбикелер постысының және палаталық санитарлар постысының лауазымдары емделген науқастардың санына байланысты осы Денсаулық сақтау ұйымдарының штат нормативтері мен үлгі штаттарына 2-қосымшаға сәйкес белгіленеді.

0007747

3. Осы Денсаулық сақтау ұйымдарының штат нормативтері мен үлгі штаттарына 2-тармағында көзделген лауазымдарды қоспағанда, жекелеген мамандықтар дәрігерлерінің лауазымдары:

1) нейрохирургия және нейротравмотология бөлімшелері бойынша бөлімшеге 1 лауазым есебінен: офтальмолог-дәрігер, отоларинголог-дәрігер және психиатр-дәрігер (жиынтықта) және бөлімшеге 1 лауазым есебінен невропатолог-дәрігер;

2) торакалды-хирургия, кардиохирургия және туберкулез өкпе-хирургия бөлімшелері бойынша - бөлімшеге 1 терапевт дәрігер лауазымы;

3) тамыр хирургиясы бөлімшесі бойынша (шығу кезінде шұғыл көмек көрсетуді қамтамасыз ету үшін) – 2 жүрек-қан тамыр хирургі дәрігері лауазымы;

4) проктология бөлімшелері бойынша бөлімшеге 0,5 онколог-дәрігер лауазымы;

5) урология бөлімшелері бойынша – манипуляциялар мен эндоурологиялық зерттеулер нормативі есебінен және жұмыс көлемінің болуына қарай эндоскопист-дәрігер лауазымы;

6) токсикология бөлімшелері бойынша – бөлімшеге 0,5 лауазым есебінен психиатр дәрігер лауазымы;

7) травматология бөлімшелері бойынша нейрохирургия бөлімшесі болмаған жағдайда 0,5 нейрохирург дәрігері лауазымы белгіленеді, емделген науқастар саны нормативтен екі есе асқан жағдайда 1 нейрохирург дәрігер лауазымы белгіленеді.

4. Бейіндік бөлімшелер осы Денсаулық сақтау ұйымдарының штат нормативтері мен үлгі штаттарына 3-қосымшаға сәйкес төсек саны аз болған кезде және параклиникалық бөлімшелерінің мамандарының жүктеме нормативін анықтау әдістемесіне қарай ұйымдастырылады.

5. Бөлімше меңгерушісінің лауазымы әр бөлімшеде кемінде 0,5 ставкадан белгіленеді. Егер емделген науқастардың нақты саны емделген науқастардың нормативінен екі есе асса, онда бөлімше меңгерушісінің тұтас лауазымы белгіленеді.

6. Бөлімшелердің аға мейірбикелерінің лауазымдары бөлімшелер меңгерушілерінің лауазымдарына сәйкес белгіленеді, ал диспансерлік бөлімшелер бойынша – осы бөлімшелердің тәртібімен және штат нормативтері бойынша белгіленеді.

7. Бөлімшелердің аға мейірбикелерінің лауазымдары бөлімшелер меңгерушілерінің лауазымдарына сәйкес белгіленеді.

8. Гипсті таңғыш қою жөніндегі мейірбикелер лауазымдары травматологиялық-ортопедиялық бейіндегі емделген 1000 науқасқа немесе сүйек-буын туберкулезімен ауыратын науқастарға 1 лауазым есебінен, бірақ 1 лауазымнан кем емес болып белгіленеді.

9. Токсикологиялық орталықтың менеджері-мейірбикесінің лауазымы токсикология бөлімшесіне ақпараттық-консультациялық жұмыс үшін белгіленеді.

10. Шұғыл химиялық-токсикологиялық диагностиканың зертханашылары мен фельдшер-зертханашыларының лауазымдары токсикология бөлімшесінің жанындағы тәулік бойы жұмыс істейтін 1 пост есебінен белгіленеді.

11. Емдәм мейірбикелерінің лауазымдары 150 төсекке 1 лауазым есебінен белгіленеді.

12. Шаруа-бикесі лауазымы әрбір клиникалық бөлімшеде белгіленеді.

13. Емшара кабинеттері санитарларының лауазымдары осы кабинеттегі мейірбикелердің лауазымдарына сәйкес белгіленеді.

14. Дәкемен тану кабинеттері санитарларының лауазымдары осы кабинеттердің мейірбикелерінің лауазымдарына сәйкес белгіленеді.

15. Гипс салу кабинеті санитарларының лауазымдары осы кабинеттердің мейірбикелерінің лауазымына сәйкес белгіленеді.

16. Буфетші-санитарлар лауазымдары бөлімшеге 1 лауазым есебінен белгіленеді. Күйік бөлімшелеріне көрсетілген 3 лауазым буфетші-санитарлар енгізіледі.

17. Ваннашы-санитарлар лауазымдары бөлімшеге (күйіктерден басқа) 1 лауазым есебінен белгіленеді. Күйік бөлімшелеріне көрсетілген 2 лауазым ваннашы-санитарлар енгізіледі.

18. Дәретханаларды жинаушылардың лауазымдары бөлімшеге 1 лауазым жинаушының есебінен белгіленеді.

19. Науқастарды таситын және ертіп жүретін санитарлардың лауазымы 100 төсек есебінен 1 лауазым белгіленеді.»;

25-тармақта:

екінші, үшінші және төртінші абзацтар мынадай редакцияда жазылсын:

«100-200 төсекке - 1 лауазым;

201-ден 400 төсекке дейін - тәулік бойы жұмыс істейтін 1 пост;»

400 төсектен асса, 400 төсекке тәулік бойы жұмыс істейтін 1 пост және келесі әр 100 төсекке қосымша 1 лауазым.»;

5-абзац алып тасталсын;

жетінші абзацтағы «250» деген сандар «200» деген сандармен ауыстырылсын;

мынадай мазмұндағы 7-1-параграфпен толықтырылсын:

«§7-1. Диагностика мен емдеудің рентгенохирургиялық әдістері бөлімшесінің штат нормативтері

79-1. Диагностика мен емдеудің рентгенохирургиялық әдістері бөлімшесінде (топтарында) бөлімше меңгерушісінің 1 лауазымы, аға мейірбикесінің 1 лауазымы, шаруа-бикесінің 1 лауазымы, маман дәрігерлердің 1 посты, анестезиолог-реаниматолог дәрігерлердің 1 посты, рентген-зертханашылардың 1 посты, анестезист мейірбикелердің 1 посты, санитарлардың 1 посты белгіленеді.»;

22-тараудың атауындағы «шұғыл» деген сөзден кейін «және жоспарлы консультациялық» деген сөздермен толықтырылсын.

143-тармақ мынадай редакцияда жазылсын:

«143. Шұғыл және жоспарлы консультациялық көмек бөлімшесі (санитариялық авиация) қызметкерлерінің лауазымдары мынадай штат нормативтері бойынша белгіленеді:

- 1) бөлімше меңгерушісі – терапевт-дәрігер – 1 лауазым;
- 2) шығу бригадасының дәрігерлері 100 мың адамға есептегенде 0,8 лауазым (жиынтық);
- 3) аға фельдшер – 1 лауазым;
- 4) фельдшер-диспетчер – 5,135 лауазым;
- 5) шығу бригадасының фельдшері – 100 мың адамға есептегенде 0,8 лауазым (жиынтық);
- 6) шығу бригадасының санитары – 100 мың адамға есептегенде 0,8 лауазым (жиынтық);
- 7) санитар – 2 лауазым;
- 8) медициналық аппаратурамен қызмет көрсету жөніндегі медициналық техник (инженер) – 1 лауазым»;

мынадай мазмұндағы 5, 6 және 7-бөлімдермен толықтырылсын:

«5-бөлім. Амбулаториялық-емханалық көмек көрсететін денсаулық сақтау ұйымдарының үлгі штаттары мен штат нормативтері

692. Медициналық-санитариялық алғашқы көмек (бұдан әрі - МСАК) көрсететін ұйымдардың штат нормативтері осы Денсаулық сақтау ұйымдарының үлгі штаттары мен штат нормативтеріне 13-қосымшаға сәйкес белгіленеді.

6-бөлім. Саламатты өмір салтын қалыптастыру қызметі ұйымдарының басшы қызметкерлерінің, мамандарының, қызметшілері мен жұмысшыларының үлгі штаттары

693. Саламатты өмір салтын қалыптастыру қызметі ұйымдарының басшы қызметкерлерінің, мамандарының, қызметшілері мен жұмысшыларының үлгі штаттары осы Денсаулық сақтау ұйымдарының үлгі штаттары мен штат нормативтеріне 14-қосымшаға сәйкес белгіленеді.

7-бөлім. ЖИТС-тің профилактикасы және оған қарсы күрес орталықтарының штат нормативтері

694. ЖИТС-тің профилактикасы және оған қарсы күрес орталықтарының штат нормативтері осы Денсаулық сақтау ұйымдарының үлгі штаттары мен штат нормативтеріне 15-қосымшаға сәйкес белгіленеді.»;

1-қосымша осы бұйрыққа 1-қосымшаға сәйкес жазылсын;

2-қосымша осы бұйрыққа 2-қосымшаға сәйкес жазылсын;

5-қосымша осы бұйрыққа 3-қосымшаға сәйкес жазылсын;

осы бұйрыққа 1, 2 және 3-қосымшаларға сәйкес 13, 14 және 15-қосымшалармен толықтырылсын.

2. Қазақстан Республикасы Денсаулық сақтау министрлігінің Медициналық көмекті ұйымдастыру департаменті (А.Ғ. Төлеғалиева) осы бұйрықты заңнамада белгіленген тәртіппен Қазақстан Республикасы Әділет министрлігінде мемлекеттік тіркеуді қамтамасыз етсін.

3. Қазақстан Республикасы Денсаулық сақтау министрлігінің Әкімшілік-құқықтық жұмыс департаменті (Ф.Б. Бисмилдин) осы бұйрық Қазақстан



Республикасы Әділет министрлігінде мемлекеттік тіркелгеннен кейін оны заңнамада белгіленген тәртіппен ресми жариялауды қамтамасыз етсін.

4. Осы бұйрықтың орындалуын бақылау Қазақстан Республикасының Денсаулық сақтау вице-министрі Е.Ә. Байжүнісовке жүктелсін.

5. Осы бұйрық алғашқы ресми жарияланған күнінен кейін күнтізбелік он күн өткен соң қолданысқа енгізіледі.

Министрдің

міндетін атқарушы



Б. Садықов